

ქალაქ თბილისის მუნიციპალიტეტის საკრებულოს
გარემოს დაცვის კომისიის სხდომის
ოქმი №37

14.12.2023 წ.

ქ. თბილისი, თავისუფლების მოედანი №2

14:00 სთ

სხდომას ესწრებოდნენ:

გარემოს დაცვის კომისიის წევრები: ნიკოლოზ კახეთელიძე (კომისიის თავმჯდომარე),
ლევან ჯაფარიძე, ნინო ვარდოსანიძე, ლევან აბაშიძე, ალექსანდრე ხუჯაძე, სალომე
კობალაძე, ვახტანგ სურგულაძე, ლევან ჟორჟოლიანი.

სხდომას ესწრებოდა აგრეთვე:

მოწვეული სტუმარი:

1. გაიოზ თალაკვაძე - ქალაქ თბილისის მუნიციპალიტეტის მერიის საფინანსო
საქალაქო სამსახურის უფროსი.

გარემოს დაცვის კომისიის სხდომას თავმჯდომარეობდა: ნიკოლოზ კახეთელიძე
(კომისიის თავმჯდომარე).

სხდომის დღის წესრიგი:

1. „ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ“
ქალაქ თბილისის მუნიციპალიტეტის საკრებულოს პროექტის შესახებ (ქალაქ
თბილისის მუნიციპალიტეტის მერის კ. კალაძის 2023 წლის 8 დეკემბრის №12-
032334259-03 წერილი)

/მომხსენებელი: გაიოზ თალაკვაძე - ქალაქ თბილისის მუნიციპალიტეტის
მერიის საფინანსო საქალაქო სამსახურის უფროსი/

სხდომის თავმჯდომარე ბ-ნი ნიკოლოზ კახეთელიძე მიესალმა დამსწრე
საზოგადოებას და სხდომა გახსნილად გამოაცხადა.

მოისმინეს დღის წესრიგით გათვალისწინებული საკითხი - „ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს პროექტის შესახებ (ქალაქ თბილისის მუნიციპალიტეტის მერის კ. კალაძის 2023 წლის 8 დეკემბრის №12-032334259-03 წერილი)

სხდომის დღის წესრიგით გათვალისწინებული საკითხი წარმოადგინა ბ-ნმა გაიოზ თალაკვაძემ.

მომხსენებლის (გ. თალაკვაძე) მიერ განსახილველი საკითხის თაობაზე წარმოდგენილი ინფორმაციის თანახმად, ქალაქ თბილისის მუნიციპალიტეტის 2024 წლის ბიუჯეტის პროექტის მოცულობა განისაზღვრა 1 763 354 700 ლარით, რაც 2023 წლის დამტკიცებულ ბიუჯეტთან (1 632 132 600 ლარი) მიმართებაში გაზრდილია 131 222 100 ლარით, ხოლო 2024 წლის პირველად წარდგენილ ბიუჯეტის პროექტთან (1 700 912 400 ლარი) შედარებით გაზრდილია 62 442 300 ლარით. აღნიშნული გამოწვეულია საკუთარი შემოსულობების დაზუსტების, საქართველოს პარლამენტში „საქართველოს 2024 წლის სახელმწიფო ბიუჯეტის პროექტის“ მესამე წარდგენის და საქართველოს ფინანსთა სამინისტროდან მიმდინარე წლის 8 ნოემბერს მიღებული წერილის (N04-03/87987) გათვალისწინებით, რომლის თანახმად, ქალაქ თბილისის მუნიციპალიტეტს სახელმწიფო ბიუჯეტიდან მისაღები კაპიტალური სპეციალური ტრანსფერის სახით დამატებით გამოეყოფა 60 000 000 ლარი, ხოლო მიზნობრივი ტრანსფერის მოცულობა მცირდება 145 400 ლარით. ასევე, სახელმწიფო ბიუჯეტიდან დამატებით გამოიყოფა სხვა კაპიტალური გრანტების სახით 2 000 000 ლარი თბილისის ავტობუსების პროექტის (ფაზა II) (EBRD) და თბილისის მეტროს სადგურების მოდერნიზაციის პროექტის ფარგლებში დამატებული ღირებულების გადასახადის გადასახდელად. გარდა ამისა, 2024 წლის ბიუჯეტის პროექტის წინასწარი ვარიანტისგან განსხვავებით, წარმოდგენილ პროექტში განისაზღვრება საერთაშორისო ორგანიზაციებიდან მიღებული გრანტები 465 300 ლარის ოდენობით (საქართველოს მთავრობასა და აზიის განვითარების ბანკს შორის გაფორმებული სასესხო ხელშეკრულების (№6024-GEO, №4134-GEO) ფარგლებში, „საცხოვრებლად ვარგისი ქალაქების საინვესტიციო პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ). ასევე, დაზუსტდა სხვა შემოსავლების ჯამური მოცულობა 122 400 ლარით და განისაზღვრა - 280 683 000 ლარის ოდენობით (მათ შორის იზრდება მოსაკრებელი საქართველოს დედაქალაქში მსუბუქი ავტომობილით ტაქსით (M1 კატეგორია) გადაყვანის ნებართვაზე - 99 800 ლარით, ხოლო შემოსულობა ადგილობრივი საქალაქო რეგულარული სამგზავრო გადაყვანის ნებართვაზე - 22 600 ლარით). გაზრდილი ფინანსური რესურსის

გათვალისწინებით, ქალაქ თბილისის მუნიციპალიტეტის 2024 წლის ბიუჯეტის პროექტით ასიგნებები მიიმართება შემდეგ პრიორიტეტებზე:

- სატრანსპორტო ინფრასტრუქტურის მშენებლობა - აღდგენა - 567 498 100 ლარი, რაც 2023 წლის დამტკიცებულ ბიუჯეტთან (522 096 400 ლარი) შედარებით გაზრდილია 45 401 700 ლარით, ხოლო პირველ წარდგენილ პროექტთან (542 391 100 ლარი) მიმართებაში - 25 107 000 ლარით მეტია. მათ შორის: პრიორიტეტის ფარგლებში საგზაო ინფრასტრუქტურის მშენებლობა, აღდგენა და მოვლა-შეკეთების პროგრამისათვის გათვალისწინებულია 23 107 000 ლარი, მათ შორის რაიონების გზების მოვლა-შეკეთების ქვეპროგრამებისთვის ჯამში - 3 107 000 ლარი, სატრანსპორტო ინფრასტრუქტურის მოწესრიგების ღონისძიებებისათვის - 1 000 000 ათასი ლარი (თბილისის ავტობუსების პროექტის (ფაზა II) (EBRD) პროექტის ფარგლებში დამატებული ღირებულების გადასახადის გადასახდელად), მეტროს სადგურების რეკონსტრუქცია, მშენებლობა - 1 000 000 ათასი ლარი (თბილისის მეტროს სადგურების მოდერნიზაციის პროექტის ფარგლებში დამატებული ღირებულების გადასახადის გადასახდელად);
- ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება/ჩანაცვლება - 267 969 400 ლარი, რაც 2023 წლის დამტკიცებულ ბიუჯეტთან (243 813 700 ლარი) შედარებით გაზრდილია 24 155 700 ლარით, ხოლო პირველ წარდგენილ პროექტთან (223 111 100 ლარი) მიმართებაში - 44 858 300 ლარით მეტია. მათ შორის: საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია - 4 000 000 ლარი (სოფელ დიდმის და სვანეთის უბნის საკანალიზაციო ქსელების და წყალარინების მოწყობა-რეკონსტრუქცია); კეთილმოწყობის საქალაქო ღონისძიებები - 9 000 000 ლარი (ქვათაცვენის საწინააღმდეგო ბადეების მოწყობა), კეთილმოწყობის ღონისძიებები რაიონებში გათვალისწინებულია 16 393 000 ლარი, ქალაქის განვითარების ხელშეწყობა - 15 465 300 ლარი (რუსთაველის გამზირის რეაბილიტაცია და №6024-GEO, №4134-GEO) ფარგლებში, „საცხოვრებლად ვარგისი ქალაქების საინვესტიციო პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ);
- ეკოლოგიური მდგომარეობის შენარჩუნება და გაუმჯობესება - 221 611 100 ლარი, რაც 2023 წლის დამტკიცებულ ბიუჯეტთან (211 901 700 ლარი) მიმართებაში გაზრდილია 9 709 400 ლარით, ხოლო პირველ წარდგენილ პროექტთან (213 611 100 ლარი) მიმართებაში - 8 000 000 ლარით მეტია. მათ შორის: 300 არაგველის მემორიალთან არსებული (სკვერი) შუა გამყოფი ზოლი - 2 000 000 ლარი, ქინძმარაულის შესახვევი N30 კორპუსის მიმდებარედ სკვერის მოწყობა - 1 000 000 ლარი, კონტეინერების შეძენა - 5 000 000 ლარი;

- ეკონომიკის განვითარების ხელშეწყობა - 2 153 500 ლარი. პრიორიტეტის ფარგლებში გაიზარდა ბიზნესის სტიმულირება პროგრამის ფარგლებში გამოფენა გაყიდვა თბილისის საშობაო ბაზარი - 274 000 ლარი;
- ბინათმესაკუთრეთა ამხანაგობების განვითარება - 38 796 300 ლარი, პრიორიტეტის ფარგლებში გრძელდება მრავალბინიან საცხოვრებელ სახლებში სახურავების შეკეთება (ბრტყელი და ქანობიანი გადახურვა), ლიფტების მიმდინარე შეკეთება და რეაბილიტაცია, შიდა წყალკანალიზაციის გაყვანილობების შეკეთება, სადარბაზოების სარემონტო სამუშაოები, შენობის ან/და მისი შემადგენელი ელემენტების კაპიტალური გამაგრებითი სამუშაოები და სხვა ღონისძიებები;
- ჯანმრთელობის დაცვა და სოციალური უზრუნველყოფა - 154 920 100 ლარი, რაც 2023 წლის დამტკიცებულ ბიუჯეტთან (144 160 700 ლარი) მიმართებაში გაზრდილია 10 759 400 ლარით. პრიორიტეტის ფარგლებში ჯანდაცვის პროგრამისათვის განსაზღვრულია 32 783 000 ლარი, მათ შორის გრძელდება გადამდებ და არაგადამდებ დაავადებათა ეპიდემიოლოგიური კონტროლის, აუტიზმის სპექტრის დარღვევის მქონე ბავშვთა აბილიტაცია, ფსიქიკური ჯანმრთელობის სათემო მომსახურება, გაფანტული სკლეროზის და ძუძუს კიბოს სამკურნალო მედიკამენტების, სახსრების ენდოპროტეზირების, დაავადებათა სკრინინგის და ტრანსპლანტაციის დაფინანსება. სოციალური დაცვის პროგრამისთვის ჯამში გათვალისწინებულია 122 137 100 ლარი. გრძელდება შემდეგი ქვეპროგრამების დაფინანსება: კომუნალური სუბსიდირება, სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება, სოციალურად დაუცველი საპენსიო ასაკის პირებისათვის მედიკამენტების დაფინანსება, სოციალურად დაუცველ ოჯახებში ყველა ახალშობილზე ერთჯერადი დახმარება, შინმოვლის თანადაფინანსება, მცირე საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობა, უფასო სწავლება მოსწავლე ახალგაზრდობის სახლებში, სასახლეში, ხელოვნების სკოლებში, სპორტულ სკოლებში და საცურაო აუზებში, თბილისის მუნიციპალური თავშესაფრის მოვლა-პატრონობა, შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა, საკურორტო მომსახურება და დახმარება, უფასო სასადილოებით მომსახურება რაიონებში, დანგრეული სახლების მაცხოვრებელთა საკომპენსაციო თანხები რაიონებში და სხვა;
- განათლება - 248 047 100 ლარით, რაც 2023 წლის დამტკიცებულ ბიუჯეტთან (225 917 800 ლარი) მიმართებაში გაზრდილია 22 129 300 ლარით. პრიორიტეტის ფარგლებში მნიშვნელოვანი წილი უჭირავს სკოლამდელი აღზრდის დაწესებულებების ხელშეწყობას 207 358 800 ლარის ოდენობით (გრძელდება დაწყებული პროექტების დაფინანსება, მათ შორის: ავარიული საბავშვო ბაგა-ბაღების ადგილას ახლის მშენებლობა და ავარიული ბაღების გამაგრება/რეაბილიტაცია: დასრულებულია 2 ბაღის მშენებლობა და 1 ბაღის კაპიტალური რეაბილიტაცია, დაიწყო 50-ე ბაგა-

ბადის შენობის ადგილას ახალი ბადის მშენებლობა), გაგრძელდება შემდეგი პროგრამების/ქვეპროგრამების დაფინანსება: სტუდენტთა დაფინანსების პროგრამა, ზოგადი განათლების და სასკოლო პროექტების ხელშეწყობა, უწყვეტი განათლების და სტუდენტური პროექტების ხელშეწყობა, პროფესიული განათლების და დასაქმების ხელშეწყობა, მულტიფუნქციური ბიბლიოთეკების გაერთიანების ხელშეწყობა, მოსწავლე-ახალგაზრდობის ეროვნული სასახლის ხელშეწყობა, იურიდიული კლინიკა და სხვა;

- **კულტურა, სპორტი და ახალგაზრდობა** - 35 534 700 ლარი. გაგრძელდება კულტურის ობიექტების (თეატრები, მუზეუმი, გალერეა, საბალეტო დასი, ბიგ-ბენდი, პანთეონი) დაფინანსება, სახელოვნებო განათლების ხელშეწყობა, წარმატებული სპორტსმენი ბავშვების და მწვრთნელთა მხარდაჭერა, პარასპორტის განვითარების ხელშეწყობა, სპორტული მოედნების მშენებლობა, რეკონსტრუქცია, სპორტული დაწესებულებების მატერიალურ-ტექნიკური ბაზის გაუმჯობესების ღონისძიებები (დასრულდება მულტიფუნქციური სპორტული ცენტრის მშენებლობა და 2 ცენტრის აღჭურვა), კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები (მათ შორის ოთარ თაქთაქიშვილის სახ. N19 ხელოვნების სკოლის სარემონტო-სარეაბილიტაციო სამუშაოების დასრულება), მუზეუმების გაერთიანების ქვეპროგრამის ფარგლებში გათვალისწინებულია ილია ჭავჭავაძის სახლ-მუზეუმის სარეაბილიტაციო სამუშაოების დასრულება და დაიწყება თოჯინების მუზეუმისათვის გამოყოფილი სივრცის სარეკონსტრუქციო-სარემონტო სამუშაოები; დაიწყება ფიზიკური დატვირთვების სკრინინგი (სპორტულ ცენტრებში 18 წლამდე ასაკის ბენეფიციართა ფიზიკური დატვირთვების და ჯანმრთელობის სკრინინგი). ასევე, გათვალისწინებულია სპორტული, კულტურული და ახალგაზრდული ღონისძიებების ხელშეწყობა, კულტურის სფეროს განვითარების ხელშეწყობა და სხვა;
- **საზოგადოებრივი წესრიგი და უსაფრთხოება** - 7 297 000 ლარი. პრიორიტეტის ფარგლებში დაფინანსდება პროგრამები: თბილისის მუნიციპალიტეტის ქონების დაცვის უზრუნველყოფა - 1 817 100 ლარით და ცხოველთა მონიტორინგი - 5 479 900 ლარით;
- **ქ. თბილისის წარმომადგენლობითი და აღმასრულებელი ორგანოები** - 219 527 400 ლარი. პრიორიტეტის ფარგლებში განსაზღვრულია ბიუჯეტის სარეზერვო ფონდი - 4 000 000 ლარის ოდენობით და წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი - 2 000 000 ლარის ოდენობით.

ასევე, გათვალისწინებულია წინა წლებში აღებული სესხების დაფარვა, მათ შორის მდგრადი ურბანული მობილობა - გონიერი სატრანსპორტო სისტემა (KfW) - 2 940 000 ლარი, თბილისის მეტროს სადგურების სესხის მომსახურება - 7 590 000 ლარი, თბილისის მუნიციპალური მომსახურების პროექტი - 4 917 000 ლარი; თბილისის ავტობუსების

პროექტის სესხის მომსახურება - 12 895 700 ლარი, თბილისის მყარი ნარჩენების პროექტის სესხის მომსახურება - 20 567 100 ლარი, თბილისის ავტობუსების პროექტის სესხის მომსახურება II ფაზა - 29 821 200 ლარი.

აღსანიშნავია, რომ 2024 წლისათვის იგეგმება გარდამავალი თავისუფალი ნაშთი 60 000 000 ლარის ოდენობით, რომელიც გადანაწილდება შემდეგ მიმართულებებზე:

- ინფრასტრუქტურის განვითარების სამსახური - 10 000 000 ლარი, პრიორიტეტის ფარგლებში საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია პროგრამისათვის გამოიყოფა 5 000 000 ლარი, მათ შორის საყრდენი კედლების მშენებლობა-რეკონსტრუქცია ღონისძიებებისათვის - 2 000 000 ათასი ლარი, მუხიანის აგარაკების კანალიზაცია - 3 000 000 ლარი; გარე განათების ქსელის ექსპლუატაცია და რეაბილიტაციის პროგრამისათვის 5 000 000 ლარი.
- გარემოს დაცვის სამსახური - 31 000 000 ლარი, მათ შორის: სამხედრო ქალაქის პარკის მოწყობა 6 000 000 ლარი, ვერის ბაღის რეაბილიტაცია 10 000 000 ლარი, ვაკის პარკის დასრულება - 10 000 000 ლარი და გლდანის ტბა - 5 000 000 ლარი.
- კულტურის, განათლების, სპორტის და ახალგაზრდულ საქმეთა საქალაქო სამსახური - 19 000 000 ლარი, შემდეგ პროგრამებზე: ავარიული საბავშვო ბაგა-ბაღების დემონტაჟი/ ახლის მშენებლობა და გამაგრება/რეაბილიტაცია, მათ შორის: #28 საბავშვო ბაგა-ბაღის შენობის აღდგენას ახალი შენობის მშენებლობა, #43 საბავშვო ბაგა-ბაღის შენობის აღდგენას ახალი შენობის მშენებლობა, #77 საბავშვო ბაგა-ბაღის შენობის კაპიტალური რეაბილიტაცია, #122 იმედი საბ. საბავშვო ბაგა-ბაღის შენობის კაპიტალური რეაბილიტაცია, დაშენება, #39 საბავშვო ბაგა-ბაღის შენობის კაპიტალური რეაბილიტაცია, #161 ნასაგური საბავშვო ბაგა-ბაღის შენობის კაპიტალური რეაბილიტაცია, #196 საბავშვო ბაგა-ბაღის შენობის კაპიტალური რეაბილიტაცია, #211 საბავშვო ბაგა-ბაღის შენობის კაპიტალური რეაბილიტაცია და #37 საბავშვო ბაგა-ბაღის შენობის კაპიტალური რეაბილიტაცია; სპორტული მოედნების მშენებლობა, რეკონსტრუქცია - 1 000 000 ლარი, სკეიტპარკების მშენებლობა - 1 000 000 ლარი; სპორტული დაწესებულებების მატერიალურ-ტექნიკური ბაზის გაუმჯობესება და მშენებლობა - 5 000 000 ლარი (თბილისში, დიდმის მასივში, მე-3 კვარტალში მრავალფუნქციური სპორტული კომპლექსის სამშენებლო სამუშაოები).

ქალაქ თბილისის მუნიციპალიტეტის 2024 წლის ბიუჯეტის შემოსავლების საპროგნოზო მაჩვენებელი განისაზღვრა 1 708 254 700 ლარის ოდენობით, რაც 2023 წლის დამტკიცებულ მაჩვენებელთან (1 577 032 600 ლარი) შედარებით გაზრდილია 131 222 100 ლარით, ხოლო ბიუჯეტის პროექტის პირველ ვერსიასთან (1 645 812 400 ლარი) შედარებით გაზრდილია 62 442 300 ლარით. მათ შორის:

გადასახადები 918 661 800 ლარი, რაც 2023 წლის დამტკიცებულ მაჩვენებელთან მიმართებაში გაზრდილია 46 437 400 ლარით, ხოლო პირველად წარდგენილ პროექტთან

მიმართებაში უცვლელია). მათ შორის: დამატებული ღირებულების გადასახადიდან მისაღები შემოსავალი შეადგენს 643 661 800 ლარს, რაც 2023 წლის დამტკიცებულ მაჩვენებელთან (622 224 400 ლარი) შედარებით გაზრდილია 21 437 400 ლარით. ქონების გადასახადიდან მისაღები შემოსავალი შეადგენს 275 000 000 ლარს, რაც 2023 წლის დამტკიცებულ მაჩვენებელთან (250 000 000 ლარი) შედარებით გაზრდილია 25 000 000 ლარით. მათ შორის: საწარმოთა ქონებაზე გადასახადი 225 000 000 ლარი, რაც 2023 წლის შესაბამის მაჩვენებელთან (208 000 000 ლარი) მიმართებაში გაზრდილია 17 000 000 ლარით; ფიზიკურ პირთა ქონებაზე გადასახადი 30 000 000 ლარი, რაც 2023 წლის შესაბამის მაჩვენებელთან (26 000 000 ლარი) მიმართებაში გაზრდილია 4 000 000 ლარით; მიწაზე ქონების გადასახადი 20 000 000 ლარი, რაც 2023 წლის შესაბამის მაჩვენებელთან (16 000 000 ლარი) მიმართებაში გაზრდილია 4 000 000 ლარით. გრანტები 508 909 900 ლარი, რაც 2023 წლის დამტკიცებულ მაჩვენებელთან (474 962 800 ლარი) მიმართებაში გაზრდილია 33 947 100 ლარით, ხოლო პირველად წარდგენილ პროექტთან მიმართებაში - 62 319 900 ლარით მეტია).

მათ შორის:

- საერთაშორისო ორგანიზაციებიდან მიღებული გრანტები 465 300 ლარი (საქართველოს მთავრობასა და აზიის განვითარების ბანკს შორის გაფორმებული სასესხო ხელშეკრულების (№6024-GEO, №4134-GEO) ფარგლებში, „საცხოვრებლად ვარგისი ქალაქების საინვესტიციო 3 პროგრამის“ განხორციელებისთვის, ინდივიდუალური კონსულტანტების შრომის ანაზღაურების (გადასახადების გარეშე) დაფარვა დონორი ორგანიზაციის მიერ);

- მიზნობრივი ტრანსფერი დელეგირებული უფლებამოსილების განსახორციელებლად 444 600 ლარი (გადამდებ დაავადებათა ეპიდემიოლოგიური კონტროლისათვის);

- სახელმწიფო ბიუჯეტიდან მისაღები სპეციალური ტრანსფერი 500 000 000 ლარი, რაც პირველ წარდგენილ პროექტთან მიმართებაში - 60 000 000 ლარით მეტია (თბილისის მასშტაბით არსებულ ქუჩებზე გზების კაპიტალური შეკეთების სამუშაოები; რუსთაველის გამზირის რეაბილიტაციისთვის; ქვათაცვენის საწინააღმდეგო ბადეების მოსაწყობად; ნაგავშემკრები კონტეინერების შესაძენად; რაიონების გზებისა და კეთილმოწყობის ღონისძიებებისათვის).

- სხვა კაპიტალური გრანტები სახელმწიფო ბიუჯეტიდან - 8 000 000 ლარი (მათ შორის მდგრადი ურბანული მობილობა - გონიერი სატრანსპორტო სისტემა (KfW) სესხის მომსახურების ფარგლებში დამატებული ღირებულების გადასახადის გადასახდელად - 1 000 000 ლარი, თბილისის ავტობუსების პროექტის (ფაზა II) (EBRD) ფარგლებში დამატებული ღირებულების გადასახადის გადასახდელად - 1 000 000 ლარი, თბილისის მეტროს სადგურების მოდერნიზაციის პროექტის ფარგლებში დამატებული ღირებულების გადასახადის გადასახდელად 1 000 000 ლარი, საცხოვრებლად ვარგისი ქალაქების საინვესტიციო პროგრამის ფარგლებში დამატებული ღირებულების გადასახადის გადასახდელად - 2 000 000 ლარი, თბილისის მყარი ნარჩენების პროექტის სესხის

მომსახურების და თბილისის მუნიციპალური მომსახურების პროექტის ფარგლებში დამატებული ღირებულების გადასახადის გადასახდელად - 3 000 000).

სხვა შემოსავლები 280 683 000 ლარი, რაც 2023 წლის დამტკიცებულ მაჩვენებელთან (229 845 400 ლარი) მიმართებაში გაზრდილია 50 837 600 ლარით (პირითადად სათამაშო ბიზნესის მოსაკრებელი, სანქციები (ჯარიმები და საურავები), მოსაკრებელი დასახლებული ტერიტორიის დასუფთავებისათვის), ხოლო პირველად წარდგენილ პროექტთან მიმართებაში - 122 400 ლარით მეტია). მათ შორის:

- შემოსავალი საკუთრებიდან - 9 000 000 ათასი ლარი;
- ადგილობრივი სანებართვო მოსაკრებელი - 18 194 800 (პირველად წარდგენილ პროექტთან მიმართებაში - 99 800 ლარით მეტია (დაზუსტდა მოსაკრებელი საქართველოს დედაქალაქში მსუბუქი ავტომობილით ტაქსით (M1 კატეგორია) გადაყვანის ნებართვაზე);
- სათამაშო ბიზნესის მოსაკრებელი - 70 000 000 ლარი;
- მოსაკრებელი დასახლებული ტერიტორიის დასუფთავებისათვის - 75 000 000 ლარი;
- სანქციები (ჯარიმები და საურავები) - 100 000 000 ლარი;
- სხვადასხვა შემოსავლები - 8 488 200 ლარი (პირველად წარდგენილ პროექტთან მიმართებაში - 22 600 ლარით მეტია (დაზუსტდა შემოსულობა ადგილობრივი საქალაქო რეგულარული სამგზავრო გადაყვანის ნებართვაზე)).

ბიუჯეტის პროექტის გადამუშავებულ ვარიანტში ქალაქ თბილისის მუნიციპალიტეტის 2024 წლის ბიუჯეტის გადასახდელები შეადგენს 1 763 354 700 ლარს. მათ შორის: ქალაქ თბილისის მუნიციპალიტეტის 2024 წლის ბიუჯეტის ხარჯები - განსაზღვრულია 1 429 834 800 ლარით, მათ შორის: შრომის ანაზღაურება 128 243 500 ლარით, საქონელი და მომსახურების მუხლით გათვალისწინებულია 184 530 300 ლარი, პროცენტი 35 692 100 ლარი, სუბსიდიები 637 634 100 ლარი, გრანტები 1 466 700 ლარი, სოციალური უზრუნველყოფა 146 386 100 ლარი, სხვა ხარჯები 295 882 000 ლარით.

წარმოდგენილი პროექტით არაფინანსური აქტივების ცვლილება შეადგენს - 235 481 100 ლარს, მათ შორის:

- არაფინანსური აქტივების ზრდა - 290 481 100 ლარი.
- არაფინანსური აქტივების კლება - 55 000 000 ლარი (მათ შორის საცხოვრებელი სახლების ფართის გაყიდვიდან - 5 000 000 ლარი).
- ფინანსური აქტივების ცვლილება ფინანსური აქტივების ცვლილება (100 000) ლარი;
- ფინანსური აქტივების კლება - 100 000 ლარი.

2024 წლისათვის ვალდებულებების ცვლილება (43 038 900) ლარი, რომელიც მთლიანად ვალდებულებების კლებას შეადგენს.

2024 წლისათვის ქალაქ თბილისის მუნიციპალიტეტის ბიუჯეტის მთლიანი სალდო განისაზღვრა 42 938 900 ლარით, რაც ნიშნავს რომ ქალაქ თბილისის მუნიციპალიტეტის 2024 წლის ბიუჯეტი არის პროფიციტური.

კომისიის წევრებმა, კომისიის კომპეტენციის ფარგლებში, განსაკუთრებული ყურადღება გაამახვილა შემდეგ პრიორიტეტებზე:

1. ეკოლოგიური მდგომარეობის შენარჩუნება და გაუმჯობესება (კოდი: 03) - ბიუჯეტის პროექტის გადამუშავებულ ვარიანტში დაფინანსების ოდენობა განისაზღვრა 221 611 100 ლარით, რაც 2023 წლის დამტკიცებულ ბიუჯეტთან (211 901 700 ლარი) შედარებით გაზრდილია 9 709 400 ლარით, ხოლო პირველ წარდგენილ პროექტთან (213 611 100 ლარი) მიმართებაში - 8 000 000 ლარით მეტია. მათ შორის:
 - გამწვანების ღონისძიებების (კოდი 03 01) - პროგრამის ასიგნებები განსაზღვრულია 68 901 300 ლარით;
 - დასუფთავების ღონისძიებები (კოდი 03 02) - პროგრამის ასიგნებები განსაზღვრულია 137 105 600 ლარით;
 - თბილისის ზოოლოგიური პარკის განვითარების ხელშეწყობა (კოდი 03 03 01) - ქვეპროგრამის ასიგნებები განსაზღვრულია 4 478 700 ლარით;
 - ბოტანიკური ბაღის განვითარების ხელშეწყობა (კოდი 03 03 02) - ქვეპროგრამის ასიგნებები განსაზღვრულია 11 125 500 ლარით.
2. საზოგადოებრივი წესრიგი და უსაფრთხოება (კოდი: 09), რომლის დაფინანსების ოდენობაც განსაზღვრულია - 7 297 000 ლარით. პრიორიტეტის ფარგლებში დაფინანსდება პროგრამა - ცხოველთა მონიტორინგი (კოდი: 09 02) - 5 479 900 ლარით.

განსახილველი საკითხის თაობაზე წარმოდგენილი ინფორმაციის მოსმენის შემდეგ, შეკითხვები არ დასმულა, შენიშვნები და განსხვავებული აზრი არ გამოთქმულა.

სხდომის თავმჯდომარემ, ბ-ნმა ნიკოლოზ კახეთელიძემ კენჭისყრაზე დასვა შემდეგი წინადადება:

რეკომენდაცია გაეწიოს ქალაქ თბილისის მუნიციპალიტეტის მერის კახა კალაძის მიერ 2023 წლის 8 დეკემბრის №12-032334259-03 წერილით წარმოდგენილი „ქალაქ თბილისის მუნიციპალიტეტის 2024 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილებების პროექტის საკრებულოს სხდომაზე განსახილველად გატანას.

კენჭისყრის შედეგები:

მომხრე - 6

წინააღმდეგი - 0


თავი შეიკავა - 2 (სალომე კობალაძე, ვახტანგ სურგულაძე)

ქ. თბილისის მუნიციპალიტეტის საკრებულოს გარემოს დაცვის კომისიის დამსწრე წევრთა ხმათა უმრავლესობით გადაწყვეტეს:

რეკომენდაცია გაეწიოს ქალაქ თბილისის მუნიციპალიტეტის მერის კახა კალაძის მიერ 2023 წლის 8 დეკემბრის №12-032334259-03 წერილით წარმოდგენილი „ქალაქ თბილისის მუნიციპალიტეტის 2024 წლის ბიუჯეტის პროექტის შესახებ“ ქალაქ თბილისის მუნიციპალიტეტის საკრებულოს დადგენილების პროექტის საკრებულოს სხდომაზე განსახილველად გატანას.

სხდომის თავმჯდომარემ, ბ-ნმა ნიკოლოზ კახეთელიძემ სხდომა დახურულად გამოაცხადა.

სხდომის თავმჯდომარე:



ნიკოლოზ კახეთელიძე